

Saksprotokoll i fylkesutvalet - 19.05.2016

Før det ordinære møtet i fylkesutvalet deltok utvalet i dialogmøte med Avinor v/lufthamndirektør Aslak Sverdrup og var på synfaring på ny terminal på Flesland.

I fylkesordføreren sitt fråvær leidde fylkesvaraordføreren møtet.

I samband med PS 122/16 «Open høyring - rullering Skulebruksplanen 2017-2030» vart utkast til skulebruksplan og fem vedlegg delt ut.

Sakene vart behandla i slik rekkjefølgje: PS 120-153/16.

OPEN TIME

Terje Søviknes sette på vegner av Frp fram slik bestilling/oversendingsforslag til fylkesrådmannen:

«Basert på planar for utbygging av Bybanen mot Fyllingsdalen og Åsane, ber fylkesutvalet om eit utførleg notat på dei økonomiske konsekvensane for Hordaland fylkeskommune.

Notatet må vurdere økonomiske konsekvensar for både investerings- og driftsbudsjetta til Hordaland fylkeskommune, gitt forventta statleg støtte til bybaneutbygginga, fylkeskommunen sin øvrige tenesteproduksjon og generelle økonomiske rammer.»

Røysting

Det var 14 representantar til stades.

Søviknes sitt forslag fekk 7 røyster (Frp, H, V, MDG), og vart med det ikkje vedteke oversendt.

Aud Karin Oen (SV) hadde sendt inn slikt spørsmål (a):

«PS 83/16 Kollektivstrategi for Hordaland -årsrapport 2015
Når får ein svar på kva det kostar for bussar å stå i kø?»

Fylkesordføreren svarte slik:

«På grunn av kort frist var det ikkje mogeleg å gje svar til dette møtet. Det vil koma svar på neste ordinære møte i fylkesutvalet.»

Aud Karin Oen (SV) hadde sendt inn slikt spørsmål (b):

«Kvifor er det store ubrukte midlar i Bergensprogrammet på gang- og sykkel 102,8 mill., brukt 59 mill. Er dette berre for i år eller er det slik fleire år?»

Fylkesordføreren svarte slik i samband med PS 133/16 «Årsmelding for fylkesvegane i Hordaland og Bergensprogrammet»:

«I stor grad skuldast det samla avviket på programområda i Bergensprogrammet at tildelingar av belønningsmidlar kom i løpet av og seint på hausten 2015. Dette er overførbare midlar som er ført over for bruk i 2016. Elles er det for gang- og sykkelposten unytta bompengar knytt til Hjellestadvegen og kollektivfeltet i Fyllingsdalen. Desse midlane vart løyvd for å sikre fullfinansiering av tiltaka, då unytta bompengar og kan førast over ved årsskiftet.

Dei andre åra har ein ikkje hatt det same økonomiske avviket for gang- og sykkelposten.

Meir detaljert informasjon står i årsrapporten for 2015.»

Aud Karin Oen (SV) hadde sendt inn slikt spørsmål (c):

«BRB

Bergen kommune har trekt seg. Kva skjer vidare med det fylkeskommunale engasjementet?»

Fylkesrådmannen informerte om at han har fått opplyst at Business Region Bergen (BRB) vil verte lagt ned. Hordaland fylkeskommune vil tilrå at etablerartenesta vert ivareteke av fylkeskommunen, og startar dialog med kommunane om evt. vidareføring av denne tenesta.

Silje Hjemdal (Frp) viste til oppslag i media om problemstillingar knytt til kollektivfelt på Sotrasambandet, og spurde om fylkeskommunen vil gjere noko med dette. Fylkesrådmannen gjorde merksam på at fylkestinget har vedteke at det skal vere kollektivfelt på Sotrasambandet.

Silje Hjemdal (Frp) uttrykte uro over fleire hendingar i samband med årets russefeiring, og spurde om fylkeskommunen evt. skal avvikle samarbeidet med russen. Fylkesrådmannen svarte at fleire moglege tiltak vil verte drøfta.

Anne Beth Njærheim (V) stilte slikt spørsmål:

«Kva er status angående korrespondanse lokal buss og Kystbussen på Føyno og/eller Leirvik? Jamfør politiske signal om at det er eit mål at lokal kollektivtransport bør korrespondere med ekspressbuss, båt og tog.»

Fylkesrådmannen vil kome tilbake med svar.

Tom Sverre Tomren (MDG) stilte slikt spørsmål:

«26. april var det 30 år siden Tsjernobyl-ulykken, og dessverre kan denne typen ulykker fremdeles ramme - også oss. Hordaland ligger 800 km fra det kjernefysiske kraftverket i Sellafield, samt at en del av de utenlandske militære fartøyene som besøker Haakonssvern og våre kystområder er drevet av kjernekraft.

Hvilken beredskap har Hordaland fylkeskommune i tilfelle kjernekraftulykker som vil kunne berøre innbyggere i fylket?

Har Hordaland fylkeskommune en akutt-beredskapsplan for denne typen ulykker (varslingslinjer, akutt-tiltak, førstehjelpstiltak)?

Hvordan skal eventuelt nødvendig informasjon raskt bli gjort tilgjengelig for befolkningen ved kjernekraftulykker?»

Fylkesrådmannen vil kome tilbake med svar.